



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

M5.00

PARARE DOMINO PLEBEM PERFECTAM



**LENACAPAVIR e
thibela tšoaetso**


6

Li boea sekoele

10



TSA MERAFO LI MATONO-MAPESA

www.moeletsioabasotho.co.ls


Re se re fumaneha ho
marangrang

Email: newsroom@moeletsioabasotho.co.ls
Tel: +266 28350466/ Whats app: 62600983

MOELETSI

Mesebetsi ea hau e tla u latela

Tona-Khoho ea Lesotho e totobalitse hore kaha Naha ea Lesotho e tlositse lenaneng la linaha tse hlokoang botsitso kahar'a SADC ka baka la tsoelo-pele, liphetoho le botsitso ba lipolotiki, sena ke moelelo oa 'nete le motheo oa Khotso. Leeto la Naha ea Lesotho la liphetoho ke bopaki ba hore baahi ba naha ke bona ba etelelseng pele liphetoho, 'me li thehiloe taolong ea melao le tlhomphong ea molao oa motheo.

Lesotho le ile la tobana le mathata a ho se tsitse ha lipolotiki, ho kenyeletsang likhohlano tsa mebuso ea kopanelo, likhetho tsa tšohanyetso le mathata a tšireletso. Ke qalo kamora hore hobe le puso ea kopanelo hore 'muso o nke lilemo tse fetang tse tharo. Ebe hoo ho bakoa ke eng? Ke mang ea tsoereng puso hona joale ha lintho li tsamaea thekeng la tšoele tje, o tsoa kae? Lesotho mona ho ne ho se ho tloaelehile feela hore puso ke ea lilemo tse peli e be e se e ba nako ea likhetho tsa tšohanyetso.

Mesebetsi ea hau e metle e tla u latela ha fela u tšore litaba ka kelo- hloko. Liphetoho tse etelelseng pele ke Basotho molemong oa Basotho, li thehiloe methoeng ea lipuisano tse kenyeletsang bohle, ho bontša hore boetapele ba Afrika bo tsoanetse ho thehoa holima boikarabello le boikemelo ba lehae.

Taba ena ea khau e fuoeng Tona-Khoho ea Lesotho ke tlotla e khoho ebile ke tabahali, hobane ke kananelo ea boetapele ba hae le lenaneho la liphetoho. Ke taba tse khothatsang tsena ha re bona khatelo pele ea boetapele.

Ho tsosolosa boleng le bochaba ba rona re le sechaba sa Basotho ho bohlokoa haholo. Katse Dam Action and Aid Community Forum ka tšehetso ea LHDA e se e le lilemo tse 'maloa joale e etsa ho bitsoang Katse Dam Tourism Festival, e le ho tsosolosa le ho holisa bohahlaoli kahar'a naha. Ho bonahala bana ba rona ba se ba sa tsebe lipapali tsa Sesotho, le hore li bapalloa kae, ke bomang, ka nako efe. Taba eno e re re khutlele morao ho ikhopotsa hore na re tsoa kae re bo-mang.

Bacha ba ile ba atleha ho hlalisa litalenta tsa bona tse fapakaneng holim'a tsona lipapali tsena tsa Sesotho. LHDA e ikakhetse ka setotsoana ka hohle-hohle ho etsa meralo e ntlafatsang merero ea boipheliso molemong oa baahi bohle ba libaka tse angoeng ke morero. Taba ena e re ha fela Basotho ba ka tsoarana le morero ka matsoho o tla ba thusa ho iqalla mekhoha ea boipheliso. Sechaba se phelang Katse se se e-na le kutloisiso e phethahetseng ka litaba tsa bohahlaoli, 'me e se eka thuto ena ka anela hohle moo ho nang le libaka tsa nalane tsa bohlokoa.

LCE e khakotse Lenane-Thuto le lecha la thuto ka ngollano sebakeng sa mangolo a Diploma, Degree le a Certificate mafapheng a thuto ea likolo tsa likoenyana le tsa mathomo. Lenane-Thuto lena le bohlokoa hobane le tli'o thusa bana ba Basotho le ba lichaba tse ling ho ntlafatsa litsebo tsa bona. Mohato ona o bohlokoa hobane o tli'o holisa sekolo ho fihlela se e ba maemong a junifesithi ea thupelo ea litichere.

LENACAPAVIR ke setlabocha sa ente se tli'o tšireletsa tsoaetso ea HIV. E hlaloso e bolokehile sebakeng sa batho bohle ho kenyeletsa bakhachane le batsoetse. Ente ena ho utloahala ebile e-na le lekunutu kaha motho a sa bonahale h'a entile.

Joale taba e makatsang ke hore ena le litlamorao, hothoe e bohloko, 'mele o chesa kaofela, o tsoaroa ke hlooho, mokhathala, mesifa e bohloko le letšollo. Joo! Re utloa re tšaba ho tli'o etsahalang ka sechaba see sa Basotho? Hona ho bolela hore e boetse e tli'o eketsa mafu amang a neng a ntse a le sieo.

Molao oa khale oa bojalefa ho ba merafo o ne re motho ea tla hlaha e le moikarabelli litsianeng, o thongoa ke lelapa ebe Morena oa Motse, oa sehlooho le mongoli oa setereke ba 'a paka, empa hona joale ba se ba lokela ho ngolisoa Lekhotleng la Maseterata. Ruri taba tsena tsa bo-ntat'a rona ba ileng ba sebetsa merafong ea Afrika Boroa ke matono mapesa, hobane ke mona joale ba se ba isoaholimo le tlaase, re nahanela bahlolohali bana ba Molimo, ho tli'o etsahalang ka bona, kapa re se re re le ba hamajooa ke batho?

MOLIMO A BOLOKE LESOTHO LE BASOTHO

Ba seboko ka merero -

Advocate Sefuthi

Nthabeleng Seithleko

Bongata ba Batho ba nang le bokooa ba qheleloa ka thoko mererong ea ntšetsopele e kenngoang tšebetsong ke 'muso ka lebaka la mekhoha e e sebelisoang ke Lekala la Bacha le Ntšetsopele ea Sechaba ho bokella tlhaiso-leseling.

Taba ena e senotsoe ke Motsamaisi e Moholo oa Disability Advisory Council, Adv. Nkhasi Sefuthi, ha a ne a hlaha ka pel'a Komiti ea Paramente ea Sehlopha sa Litaba tsa Sechaba ka 3 Tlhakubele Monongoaha.

Adv. Sefuthi o itse mekhatlo ea batho ba nang le bokooa e na le lintlha tsa bona ka batho bao, empa lekala le sebelisa tlhahiso-leseling ea lona ho khetha ba tla rua molemo mererong ea ntšetsopele. O hateletse hore bongata ba batho ba nang le bokooa ha ba eo tsamai-

theha sethala bonyane hang ka selemo moo ho ka buisanoang ka merero e ka thusang batho ba nang le bokooa hammoho le mekhatlo ea bona.

O boetse a re ho se ho fetile lilemo tse 'ne ho tloha ha Lekala le qala ho kenya tšebetsong Morero oa 'Pathways to Sustainable Livelihoods', empa le ntse le tsoelapele ho khetha batho ba nang le bokooa ba tla rua molemo mererong oo o reretsoeng ho fela ka Phupjane 2027.

Mohokahanyi oa morero oo Masechaba Nthunya o itse morero o kenyeletsa le batho ba nang le bokooa, kaha o reka lisebelisoa tsa thuso (assistive devices) bakeng sa baithuti ba 1,750 le batho ba baholo ba 750 ba nang le bokooa, e leng kakaretso ea batho ba 2,500 ba unang molemo.

O boetse a re batho ba nang le bokooa ba una molemo lenaneong la 'cash plus support', le kenyeletsang lithuso tsa tlhahiso tse kaalo ka

kenyeletsoa moruong le litšebeliso tsa phetisetso (referral services), lichelete tsa tšohanyetso bakeng sa thuso ea sechaba maemong a tšisinyeho, le ntšetsopele ea mekhoha e lokileng le e sebetsang hantle ea ho fana ka thuso ea sechaba.

Morero o ikemiselitse ho ntlafatsa tšebetso le tekatekano mananeoing a itseng a thuso ea sechaba, hammoho le ho matlafatsa mekhoha ea boipheliso ea malapa a futsanehileng le a tlokotsing.

Ho sa le joalo, e mong oa litho komiting ena ea Paramente, Edwin Sehlabaka, o re ba hlokometse khaello e khoho tsamaisong ea litaba tsa batho ba nang le bokooa. A re b'a elelloa hore ba ntse ba salla morao le hoja e le karolo ea sechaba e lokelang ho eloa hloko.

A bontša hore ha ho motho ea ikhethelang ho ba le bokooa, ka lebaka leo bohle ba tlameha ho kenyeletsa batho bao ka-



song ea lekala.

"Re lekile ho fana ka likhothaletso makhetlo a 'maloa, empa ha ho e-s'o ka ho e-ba le phetoho," ho boletse eena, a bontša tšepo ea hore lekala le ka

M5,400.00 lelapa ho qala likhoebong tse nyenyane kapa mesebetsi ea temo.

Morero ona o qalileng ka Phato 2022, o na le likarolo tse tharo, tse kenyeletsang, mesebetsi ea ho

har'a morero, hobane ke karolo e khoho ea sechaba e khethang joaloka bohle, le bona ba lokela ho imona menoana ka tsohle tse etsahalang, haholo merero ea ntlafalo ea sechaba.

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

EMAIL: editor@moeletsiobasotho.co.ls

sub-editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seithleko

Tšelis Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404

Matekane o'a tlotloa

Nthabeleng Seithleko

African Leadership Magazine Persons of the Year Awards (POTY), e phethetsoe ka mokete o moholo oa lijo tsa mantsoe o ileng oa tsoaea pheletso ea kopano ea baetapele ba Afrika, le ho tlotloa haTona-Kholo ea Lesotho, ka la 1 Tlhakubele Monongoaha.

H'a fana ka puo ea sehlooho, Mohlomphehi Tona-Kholo Samuel Ntsokoane Matekane, o boletse hore Afrika e se e fetotse maemo 'me e hlaha e le kontinente e nang le bokamoso le matla a lokelang ho nkoa ka botebo lefatšeng ka bophara.

O itse Afrika e ncha e na le tse ling tsa moruo o holang ka potlako, palo e kholo ka ho fetisisa ea bacha ba holang ka lebelo, keketseho e potlakileng ea litoropo, maruo a liminerale tsa bohlokoa, hammoho le phetoho e potlakileng ea mahlale a marang-rang.

Leha ho le joalo, o hatelletse hore ho bula menyetha ena e meholo ho hloka boetapele bo fetolang maemo ba bileng ba nkang boikarabello, ba ka ahang litsi tse matla, ba khotaletsang puso e tšepahalang, ho theha lifeme le mesebetsi e tsitsitseng e ka ntšang limilione tsa batho bofutsaneng.

H'a bua ka leeto la Lesotho, Tona-Kholo o hlalositse hore Afrika e ka rarolla mathata a eona ha liphetoho li etelletsoe pele ke baahi ba naha ka bo bona, li thehiloe taolong ea molao le tlhomphong ea Molao oa Motheo.

O amohetse hore ho tloha boipusong Lesotho le ile la tobana le mathata a ho se tsitse ha lipolotiki ho kenyeletsa likhohlano tsa mebuso ea kopanelo, likhetho tsa tsoahanyetso le mathata a tšireletso.

Leha ho le joalo, ka mehatoto e tiileng empa e lumellanang le molao, lipuisano tse pharaletseng le tlhompho ea makhotla, naha e entse tsoela-pele ho fihlela botsitso.

O ile a totobatsa ka thabo hore Lesotho le tlositsoe lenaneng la linaha tse hlohang botsitso kahar'a Southern African Development Community (SADC) ka lebaka la tsoelopele, liphetoho le botsitso ba lipolotiki, a re sena ke motheo oa khotso.

Tona-Kholo Matekane o hatelletse hore khotso ke motheo oa ntšetsopele, 'me



Litho li ananela khakanyo



Nthabeleng Seithleko

Tulong ea Ntlo ea Senate e khutletseng tšebetsong kamor'a ho koaloa nako e neng e sa boleloa (Sine die), litho tsa Ntlo ea Senate tse 'maloa li ananetse ka thabo khakanyo ea lichelete ea naha e sa tsoa hlalisoa ea selemo sa 2026-2027, haholo-holo ka keketseho ea lichelete tse abetsoeng Makala a Temo, Bophelo le Thuto ka la 3 Tlhakubele monongoaha.

H'a bua nakong ea kopano, setho sa Ntlo ea Senate Mohlomphehi 'Mawinnie Kanetsi o thoholelitse Lekala la Thuto ka ho abeloa lichelete ho tsosolosa likolo tsa mesebetsi ea matsoho (vocational schools).

O boletse hore likolo tse na li ne li se li hlokomolohi-

loe ka nako e telele, 'muso o ne o shebane haholo le thuto ea sekolo e lebisang likolong tse phahameng, o siea morao baithuti ba nang le bokhoni ba mesebetsi ea matsoho le ea boqapi.

Kanetsi o hatelletse hore ho tsosolosa ha thupelo ea mesebetsi ea matsoho ho tla fa bacha bao monyetla oa bobeli oa ho aha bokamoso ba bona, hape ho ba hlomella hore ba kenye letsoho tlhahisong ea mesebetsi ho e-na le ho itšetleha feela ka mesebetsi ea 'muso.

H'a bua ka Lekala la Bophelo, o totobalitse bohlokoa ba setsi sa bophelo sa Mafu a Mofetše se ntseng e ahoa. A re ho thehoa ha sona ho tla fokotsa boima ba lichelete ho 'muso kaha bakuli ba lefu leo ba ke ke ba hlola ba romelloa linaheng tse ling bakeng sa kalafo, eleng ntho e jang

chelete e ngata haholo.

O boletse a bua ka maemo a mabe a Sepetlele sa Mohlomi, moo Basotho ba bangata ba nang le mathata a kelello ba thusoang teng. O kopile hore bokhoni bo eketsoe, meaho e ntlafatsoe le mokhoa oa tlhokomelo o ntlafatsoe e le ho khutlisetsa seriti le ho fana ka litšebeliso tse loketseng setsing seo.

Ka lehlakoreng le leng Morena oa Sehlooho oa Matšekha Morena Peete Lesaoana Peete le eena o amohetse keketseho ea lichelete tse abetsoeng Lekala la Temo, a tiisa hore temo ke mokokotlo oa naha e 'ngoe le e 'ngoe.

Morena Peete Lesaoana o boletse hore balemi ba Basotho ba na le bokhoni ba ho hlalisoa lijo ka bongata, empa bothata bo iphetang ke ho haella ha mebaraka ea ho rekisa lihlahisoa tsa bona. O khotalelitse hore

e lula e le sehlooho sa maano a kantle ho naha a Lesotho le karolo ea eona ho Lekhotla la Khotso le Tšireletso la African Union.

O boletse a supa hore liphetoho li etelletsoe pele ke Basotho, molemong oa Basotho, li thehiloe methetso le lipuisano tse kenyeletsang bohle, ho bontša hore boetapele ba Afrika bo tsoanetse ho thehoa holim'a boikarabello le boikemelo.

Ka lehlakoreng le leng, Mothehi le Motsamaisi e Moholo oa African Leadership Organisation, Dr. Ken Giami, o hlalositse hore ke nako ea nahane le ho kete ka boetapele bo sebete, bo nang le pono le bo ikarabellang, bo bopang bokamoso ba Afrika.

O itse 'magazine' ona o thehiloe ho ananela baetapele le litsi tse fetolang se ka khonehang bakeng sa 'continent'.

Mokete o phethetsoe ka katleho, Tona-Kholo Matekane a fuoa Khau ea Boetapele le Ntšetsopele Pusong ea Afrika (African Leadership and Governance Impact Award) e le kananelo ea boetapele ba hae le lenaneo la liphetoho.

mehato e matla e nkoe ho thusa balemi ho fihlella mebaraka, e le hore temo e be mohloli o tiileng oa moruo le mesebetsi.

A bontša hore ke nako ea hore naha e ntlafatse bacha, ba fumantšoe tšehetso ea lichelete e senang lipehelo hore tlhahiso ea mesebetsi le mahlale a teng kahar'a bacha a bonahale a hlakella. A re naha e tsetelang botsebing ba eona e atleha ho etsa chelete le ho theha mesebetsi kaha chelete e potoloha kahar'a naha e joalo.

O bile a bontša hore likolo tse ngata li tobane le phepetso e kholo ea tlhokahalo ea motlakase le bosieo ba meaho libakeng tse ling, ha tse ling li le hole. A re thuto e lokela ho anela bana bohle, ka lebaka leo ho bohlokoa hore Lekala la Thuto le Koetliso le ananele boteng ba likolo tse ling kahar'a naha le ho li ntlafatsa hore batho ba se nyahamele thuto ea 'muso ba tsetela ho thuto e ikemetseng.



MOELETSI O TŠEHETSA BACHA



Tšeliso Thakholi

Mofumahatsana 'Makananelo Maphakisa' ke mohlalisi oa li-aparo tsa sejoale-joale tsa basali le bana. O roka mese e metle ka boqapi bo bocha ebile ke mothehi oa khoebo e ntseng e hola e bitsoang PHAKS e thehiloeng ka 2018. O boetse o rekisa le ho hlahisa likatiba tse ntle tsa ulu. Likatiba tsa hae li ikhetholla har'a tse ngata ka botle, moloho o makhethle le hoba mofuthu haholo.

KE BILE LE TORO

Hantle taba ena ea lera-to la ho roka, ha e'a qala hona joale ha ke se ke ena le khoebo. E bile toro eo e saleng ke ena le eona, ho tloha nakong eo ke ntseng ke le sekolong sa mathomo le se phahameng. Ka hona talenta ena ea ka kajeno ke eo e qetelletseng e mphe-tiselitse ka bathong ka ho theha khoebo ena eo ke e ratang ka pelo eohle ea ka ea PHAKS. Ke e bitsa feela PHAKS ho latela lerato leo ke e ratang ka lona.

Toro ena ea ka ha e ntse e tšikhunya kahare ho 'na e ne e le ha ke kena Sekolo sa Mathomo sa Makeneng, eare ha ke qeta ho phethe-la lithuto tsa tsa mothomo, ka fetala ho Sephameng sa St. Mary's tikolohong ea Roma ka 2010. Ka lebaka la tlhase ena e neng e ntse e kunkela ka matla, ka fete-la ka kotloloho Sekolong sa Mesebetsi le Lithuto tsa

Mahlale sa Fokothi, e le ha ke se ke entse qeto hore ke il'o e tsa lithuto tsa 'Fashion Designer'.

Le teng, ha nkaba ka batla ho nka nako e telele haholo sekolong hoba joale tlhase eane ea lerato la hoba se-roki se hloahloa sa liphahlo tsa sejoale-joale e ne e se e hlahelletse, batho ba se ba ntse ba bona hore na hantle ke sekametse ho kae. Ke ne ke hlile ke batla ho hlahisa liaparo tsa bana tsa mofuta oa tsona, tse sa tšoaneng le tsa ba bang. Joalokaha ke se ke boletse ke ne ke sa batle ho nka nako e telele sekolong hobane ke ne ke bona e ka kea lieha, batho ba se ba nkemetse kantle ka mona. Ke ile ka khetha ho ea Fokothi e le hobane ke batla hore ke tle ke nke lilimo tse peli feela ke be ke qetile ke bile ke ena le len-golo e le ho matlafatsa litse-bo tseo ke neng ke se ntse ke ena le tsona.

TLHAHISO

Har'a tse ngata tseo ke li-hlahisang ke etsa mese e metle ea bana le batho ba baholo. Ke etsa mese ka mofuta ekaba ea manyalo, mekete, boithabiso le mese ena e metle e metšo eo batho ba e sebelisang ha ba e-ea mafung. Hajoale ke tsepamisitse maikutlo ho etseng liphahlo tsa bana ba banyenyane ba banana. Morero ke hore ha PHAKS e ntse e hola re kenyeletse le tsa ba bashanyana. Haele tsa batho ba baholo tsona ke lelomolo. Re boetse re roka le likatiba tsa ulu ka

mefuta tse mofuthu haholo, 'me re kopa Basotho ba tl'o iphumanela tsona ka litheko tse tlase bakeng sa Mariha. Likatiba tsa rona li theko e tlase ka linako tsohle ha lin-yolohe hobane e le Mariha kapa tsa theoha hobane e le Lehlabula. Litheko ke tse tlase ka linako tsohle.

SEPHEO

Sepheo se seholo ka khoe-bo ena ea ka haele mona e ile ea phonyoha lina-kong tse thata tsa seoa sa COVID-19, ke ho bona e holile ho feta mona e bile e anetse naha ka bophara hoba hona joale e fumane-

ha motseng oa Khubetsoa-na moo e leng lapeng heso. Lebaka ke hobane hona le moo ke ntseng ke sebetsa teng, e le hore ke 'ne ke bo-keletse mokhoa oa ho reka mechini e tla tseba ho nthu-sa hore ke tsebe ho etsa tlhahiso e ngata le ho hla-hisetsa bacha mesebetsi. Hajoale re sebetsa re le ba-beli hobane khoebo e ntse e hola. Ka 'nete ke ikutloa ke le motlotlo haholo ka seo ke se etsang, hobane morero ke ho hlahisa mesebetsi le hore ke tle ke qetelle ke sa hiroa.

LIQHOLOTSO LE LIKATLEHO

Liqholotso tse kholo tseo ke kopanang le tsona ke khael-lo ea mechini e rokang, e

kopileng e le hore ke tle ke tsebe ho holisa khoebo ea ka le ho eketsa basebetsi. Ka 'nete ntlheng ea likatle-ho khoebo ena e nthusitse ho tliša phetoho bophelong ba ka.

KELETSO HO BACHA

Bacha joalokaha ba etsoa likolong ba se ke ba khetha mesebetsi, haeba ba bat-la ho qala khoebo, ba qale pele ka ho batla mesebetsi ea nakoana e kang ea ho hlatsoetsa batho malapeng, e be chelete eo ba e fuma-nang ba ka qala khoebo ka eona. Ba se ke ba e halala ba re e nyenyane. E hlile o lokela ho qala tlase o nt'o ea holimo. Ba se be le monah-ano oa ho hiroa hoba hona joale ntle le hore ba itšoarele



bakang hore tlhahiso e be tlaase. Ke boetse ke hloka chelete e tla nthusa ho batla thepa. Ke hloka le ha e kaba liphaposi tse peli feela moo ke tla sebeletsa teng. Ke se ke kopa ho batho bohle ba boithatelo bo botle ho nthusa ka tsena tseo ke li

ka matsoho ha hona mes-betsi Lesotho mona. Le maemo a moruo a putlame. Ba se ke ba khetha meseb-etsi ho hang. Motho a rekise ke re leha e se ele Ice Qua-va kapa metsi e le hore a tle a fihlele ntho eo a e batlang bophelong ba hae.



Tsa merafo li matono mapesa

Nthabeleng Seithleko

Merafo Rantšo Bantsi, o re litefo tse ling tsa basebetsi ba mehleng ba merafo li mafeke-feke, kaha litsiane tsa bona li ntse li ikhapeloa ka bolotsana ke batho ba sa tsejoeng, ha ba bang ba sa lefuoe hohang.

H'a bua 'mokeng oa bo-ralitaba ka la 4 Tlhakubele monongoaha, o hlalositse hore taba ena e boima hobane ho ntse hona le karolo e 'ngoe ea batho ba sa lefuoa hobane ho sa hlake hore na linomoro tsa bona tsa khiri li sebelisoa ke bo mang.

O re le ha ba lomme be-bebe mosebetsi oa ho tsekela bao litsiane tsa bona, ha ho bonolo. A re ba ikemiselitse ho sebeletsa Basotho ka hohle-hohle.

O re le ha ba ntse ba sebetsana le litaba tsena ka matla, ba boetse ba tobane le phephetso ea molao o mocha oa Bojalefa, o bonahalang o bakile bothata tšebelatsong tse neng li fanoa ho batho ba merafong litabeng tsa kabo ea

bojalefa kapa ho motho ea lokelang ho ba moikarabelli.

A re se bakang bothata ke hore bao ba se ba lokela ho batla thuso ho Lekhotla la Maseterata Afrika Boroa kapa le haufi, tebello ke hore bao ba batle babuelli Lesotho mona, ba tle ba atlehe ho thusoa ho sena liphelelo. "Akhente eo motho a tla e hlalisa Lekhotleng ebe ea Lesotho". A rialo.

Seo ba se etsang ke ho pholosa Basotho ho tsoa litjehong tse ngata, le ho iphumana ba tšetse chelete polokehong tseo eseng tsa 'nete. O re ha a loantše molao ona, hobane o lumela hore motho ea o entseng, o o entse ka kelello e bulehileng. Le ha ho le joalo, hona le likhoqetsane tse teng molaong tse sakang tsa eloa hloko.

Molao oa khale oa Bojalefa ho ba merafo o ne o re motho ea tla hlaha e le moikarabelli litsianeng, o thonngoa ke lelapa eba Morena oa motse le Morena oa Sehlooho le Mongoli oa Setereke empa hona joale ba se ba lokela ho ngolisoa Lekhotleng la 'Maseterata.

O re molao ona o ba tšore ka qoqotho, 'me ba lekile ka makhetlo ho kopana le Komiti ea Paramente ea Litaba tsa Sechaba ho ba

namolela empa ba bontša hona le batho ba 14 ba ileng ba utsoa chelete ka selemo sa 2024.

Molao ona o entsoe ba sa bolelloa, a re bokamoso ba bona ke hore akhente e nyakurele hore na ba lokela ho hlalisa boelets'i ba molao ona joang le ho atamela taba ena.

Bantsi o hlalositse hore tsietsi ena e ama batho ba ka bang 70%. Ba se ba kopile akhente ea bona ho ngola lengolo a kopane le Lekhotla la Maseterata Afrika Boroa Bloemfontain, e le ho hlalisa kapele ho lona 'muelli oa basebetsi ba Merafong. Akhente ke Adv. Pontšo Mochesane, ke eena ea phatlalalitsoeng ke Mokhatlo ona a tlabotse selekane le bona se qalile ka khoeli ea Hlakola selemong sehloimo.

Are ka la 16 Mesa monongoaha, hona le Thusano Trust e tl'o qalella ho fana ka litsiane tsa bona kaha ba tl'o lefshoa litsiane tse ngata. A re ba fumane hore chelete e tlang Lesotho ke 3Bilione, 'me ha eba Basotho ba sebeletsoa ke liakhete tsa Africa Boroa eseng tsa Lesotho, chelete e kaalo ka 10% e tla leba Afrika Boroa eseng Lesotho, 'me ba lokele ho koala letlere leo.



Maliabeng 'Maramane ho tsoa Ha Ntjabane ea tsekang lichelete tsa mora oa hae ea sebelitseng morafong, o re ho tšela hona hoo a u thibetseng ke ntho e hantle ho thibetse litšenyehelo. A re batho ba utsoang lichelete ba etsa ntho e bohloko hobane lichelete tseo ha se tsa bona. A kopa hore ho ke ho thusoe basali ba bahlolohali hobane ho bonahala ho fumants'oa litsiane tsa balekane ba bona ele bothata.

Motsamai Tšosane o re o

lekile mekhoha eohle a hloka thuso kaha eena a ne a qale ho sebetsa morafong ka selemo sa 1962 ho fihlela 1978, o re tšepo ea bona ke mokhatlo ona. Ke selemo sa bone kapa sa bohloko, a se a hema ka peipi, ka lebaka la bokulo bo bakiloeng ke ho sebetsa merafong.

Boholo ba Basotho ba bonahala ba ea holimo le tlaase ha ba lokela ho fumana litsiane tsa bona eleng ntho e bohloko, kaha e sitisa tsoelopele ea bona le bana ba bona.

LCE e hlalisa mookameli

Tšeliso Thakholi

Sekolo sa Koetliso ea Litichere (LCE) se hlalositse Mookameli e mocha e leng Dr. Solomon Chibaya le ho khakola ka molao Lenane-Thuto le lecha la thuto ka ngollano(ODL), bakeng sa mangolo a Diploma, Degree le a li 'Certificate' mafapheng a thuto ea likolo tsa likonyana le tsa mathomo. Tse-na li etsahetse 'mokeng oa baphatlalatsi ba litaba o bileng Ntlo-Kholo ea LCE, Maseru, ka la 3 Tlhakubele monongoaha.

H'a bua le baphatlalatsi ba litaba 'mokeng ona, Mookameli e mocha oa LCE, Dr. Solomon Chibaya o boletse hore o motlotlo haholo hore ebe o khethetsoe hoba Mookameli oa sekolo nakong ena ea ho thakholoa ha Lenane-Thuto lena la bohlokoa le tlang ho thusa bana ba Basotho le lichaba tse ling ho matlafatsa litsebo tsa bona. A re o ikutloa a le lehlohonolo hore ebe ke eena ea simollang manane-thuto a mofuta ona, a reretsoeng ho holisa



le ho matlafatsa bophelo ba sechaba.

A bolella baphatlalatsi, botsamaisi ba sekolo le baithuti ba bileng teng 'mokeng ona hore le eena o tseba bohlokoa ba thuto ka ngollano, kaha e kile ea e-ba e mong oa ba ithutileng ka eona, ho eketsa litsebo tsa hae. Ka hona phano ea mongolo a mofuta ona,

ke mohato o moholo oa ho holisa sekolo ho fihlela se eba maamong a junifesithi ea thupelo ea litichere. A re lithuto tsena li reretsoe ho fana ka bolokolohi ho batho bohle ba sebetsang ho intlafatsa ba bile ba ntse ba sebetsa.

Mofumahali Bonang Makamane eo e leng eena Mookameli oa Lefapha la

Thuto ka Ngollano, o itse Lenane-Thuto lena le lecha le etselitsoe har'a tse ling batho ba batlang ho ea ithutela botichere, batho ba batlang ho matlafatsa thuto ea bona, ba nang le likolo tsa likonyana empa ba sena mangolo a phethahetseng le ba seng ba ntse ba e-na le tsona, empa ba batla ho intlafatsa molemong oa ho

tataisa le ho thusa bana ho tsamaea litseleng tse nepahetseng tsa bophelo.

Mookameli oa Meralo ea Manane-Thuto Mofumahali Lintle Khitšane o boletse hore LCE e ile ea fuoa tumello ea ho fana ka mangolo a mabeli e leng la lithuto tsa Degree le Diploma ka mokhoa oa thuto ka ngollano ke Lekhotla la Thuto e Phahameng ka 2023, 'me a tšoana hantle le mangolo a fanoang ha batho ba ntse ba kena sekolo letsatsi ka leng. "Ho fapanang feela ho ona ke eona taba ea hore na re sebelisang hore batho ba fumane mangolo a mofuta o joalo." A rialo.

A supa hore mokhahlelo oa pele oa makoloane a ileng abeloa mangolo ke oa ngoahola moo baihuti ba 14 ba ileng ba fumane mangolo a Degree Lefapheng la Likolo tsa Mathomo ha ba robeli ba ile ba fumana mangolo a tšoanang Lefapheng la Thuto ea Likolo tsa Likonyana. Hajoale manane-thuto a thuto ka ngollano a thakhotsoeng ke LCE ke a Bachelor of Education in Primary Education, Bachelor of Education in Pre School & Foundation Phase le la Certificate in Early Childhood Education.

Basotho ba sebelise botsebi- Dr. Phaaroo

Nthabeleng Seithleko

Mafu a sa tloaelehang a bonahala a ntse a e-ja setsi, ebile bakuli ba mafu a joalo ba tobane le phephetso e kholo ea tlhokahalo ea lithlare hobane e le mafu ao bohloko a sa tloaelehang, 'me ho thata ho lingaka ho a ela hloko. Litaba tsena li boletsoe ke mofuputsi oa mafu a sa tloaelehang Dr. Sejojo Phaaroo ka la 27 Hlakola monongoaha.

O re 300 million ea batho ba phelang le mafu a sa tloaelehang, 5% ke lefu le ka itlhalang feela ha 72% e le mafu a tsamaeang ka lefutso a ama bana ka mali le masapo, mesifa, bokong le litho tse ling, 73% ea batho ba phelang le lefu lena, 'me lipatlisiso li supa ha ho se tsebo e phethahetseng, e le hona ho batlisisoang ka ona, naha e tobane le bothata ba khaello ea lipatlisiso le pheko.

Batho bao ha ba pheko-olehe, empa hona joale ba fuoa lithlare tse kokobet-sang, le ho fuoa kalafo e nepahetseng. O re ho thata hore ba ka netefatsa ka mafu ana machabeng, hobane ha ba na lipalo-palo tse tsoarehang.

O re seo ba se hlokanang ke hore batho ba fuoe tsehetso hobane ha hona lingaka tse fapakaneng tse sebetsanang le mafu ana. Ba lokela ho fuoa litaba tsa Palliative care, a re ba hloka ho sebetsa 'moho le lingaka tsa setso hore mafu ana a tsebe ho pheko-olehe.

Har'a a mang a mafu ao a buileng ka ona, ke la Ehltas danlos syndrome leo a hlalositse hore le tsamaea ka lefutso, ke bohloko ba mesifa, ho sitoa ho koenya. O re ho latela liphuputso motho oa lefu lena h'a fole o lutse a khathetse abile a tsekela.

Pheko ha e eo ea mafu ana, A re se sitisang hore ho fumaneloe mafu ana tharollo ke ho putlama ha mahlale a Lekala la Bophelo). 'Me re lokela ho sebelisa seo Molimo a re fileng sona ho hlola liqholotso tse ling tsa bophelo.

A bua ka lefu la Cerebral Palsy, leo a itseng lona le bakoa ke lefutso, 'me mafu amang a ka tsoaetsana nakong ea bokhachane. O re ho bohlokoa hore Lekala la Bophelo le ele hloko bophelo bo botle ba sechaba ho thusa hore bophelo bo ntlafale, 'me bohle ba ikutloe ba lokela ho fumantsoa kalafo ea mafu habonolo.

Mamello Phooko o hlalositse hore ha se ka khetho hore ba fumantsoe lithlare empa ke tokelo. "Motho e mong le e mong o na le tokelo ea ho ea setsing 'me a fuoe lithlare." A rialo. O re ba tl'o tsamaee ba il'o qosa paramente ka hore ba ahloetsoe lefu ke 'muso, hobane ba sitoa ho fumana lithlare litsing tsa Bophelo.

E mong oa bakuli ba lefu la Haemophilia Moeketsi Mootisa, o re maling a bona ha bana sehoamisi se lekaneng 40-100%. A re mokuli oa Haemophilia o bonahala ka ho tsoa mokolala le mali mareneneng, ba phela ka ente e kenang methapong. Mokuli ea joalo o lokela ho ikenta h'a tsoa

mali, kapa a lula a le haufi le setsi sa bophelo.

Lekala la Bophelo le reke-la bakuli ba lefu lena lipheko. Lesotho, Afrika Boroa le Maritius, ke tsona feela linaha tse rekelang bakuli lithlare, ka beke o itlhaba ka ente makhetlo a mararo 'me litjeo tsa bona tsa khoeli li etsa M172,000.00. Hangata batho ba nahana boloi kapa ho thoe motho o'a iketsisa, a re ba lokela ho fana ka thuto.

Itumeleng Mohasi ea lilemo 21, o re ngoana oa hae o na le Cerebral palsy, bokooa ba mesifa le motsamao, o bile litsing tse fapakaneng. O re ha hona moo a sebetsang teng kaha h'a le mosebetsing a lokela ho

khutla har'a nako hobane a kula. A re ngoana eo o tena maleiri nako eohle. O re ba sitoa ho thusa bana ba bona, le ho ja ha hae hoa khathatsa mo nka hora e le 'ngoe hore ngoana eo a je, hape o ba le maqeba a ka etsang hore a feloe ke bophelo.

O re qholotso e kholo ke tlala e tjametseng malapa, bana ba bangata ba tjametsoe ke tlala le phepo e sa ntlafalang. A re ke hore na lekala le thusana joang hore ba fumantsoe tsehetso ea chelete hobane taba eo e fana ka phetoho e kholo ea ngoana.

'Mamekhatlo oa Mekhatlo ea sechaba Lesotho Sebatatso Ntlamelle,

o hlalositse hore lilemo li tseletse joale esale a sebet-sa le mokhatlo oa mafu a sa tloaelehang, leeto la bona ha le e-s'o be bonolo, 'me ba atlehile ho fihlela litaba tse 'maloa 'moho. O re matla ao ba a sebelisang ha ba shebane le litaba tsa batho ba nang le bokooa a lokela ho sebelisoa hore qetellong bohle ba fumantsoe tokelo ea bona.

Dr. Llang Maama, o hlalositse hore ba lokela ho phamolela litaba tsena holimo le ho bona hore batho bohle ba fumana kalafo. A re ba lokela ho ntlafatsa mokhoa oa pokello ea lipalo-palo ho thusa hore ho be bonolo hore bohle ba fumantsoe kalafo e ba lokelang.

LENACAPAVIR e thibela tsoaetso

Nthabeleng Seithleko

Lenacapavir ke ente ea likhoeli tse tseletseng e thibelang tsoaetso ea HIV, e hlaloso e bolokehile sebakeng sa batho bohle, ho kenyeletsa le bakhachane le batsoetse. Litaba tsena li hlahelletse thupelong e neng e tsoaretsoe baphatlalatsi ba litaba, ka la 3 Tlhakubele Monongoaha ke Lekala la Bophelo.

Ente ena e thusa ho boloka lekunutu kaha motho a sa bonahale h'a entile, e bohlokoa le ho basali ba hoebang ka 'mele, hore 'mele o sireletsehe.

E entoa mpeng, e aroloa habeli, ho tloha karolo ea letlalo e katlaase-tlaase likarolong tse tharo tsa letlalo moo ho nang le mafura le methapo kutlo.

Motho ea qalang ho enta, o entoa habeli, o fuoa lipilisi tse peli hang, le tse peli tsa mofao, ha motho a ka khibela, h'a sa fuoa lipisi o tsoelapele ka ente.

Litlamorao tsa ente ena e ka ba bohloko moo motho a entuoeng, liso, ho ba thata, hoa chesa moo motho a entiloeng. Hona le tse ka etsahalang likarolong tse sa entoang, mocheso oa 'mele kaofela, hlooho, mokhathala mesifa e bohloko e khathalang le letšollo. Ho ka ba le mafu a sa tloaelehang le hoba le lethopa ka lebaka la kokoana-hloko e keneng sebakeng se joalo, ho ka bonahala karolo e joalo e shoa e bakoang ke ho sa tsamaee hantle ha mali.

Batho ba nang le litlamorao ba lokela ho khutlela setsing, ba se emele likhoeli tse tseletseng.

E hlaloso hape hore 'mele ha u ahe sesole khahlanong le eona, ha motho a e tlohela o tlanne a be tlokotsing. Batho ba bang ba lumela hore e'a kulisasa, empa e sireletsehile ka 99%.

O re ba etsa lerata ka ente ena hobane e le mofuta o mocha oa ente, kaha ka nako e telele ba ne ba sokola ka litaba tsa PrEP.

Ho khethiloe litsing tse 50 kahar'a naha moo e tla fumaneha teng, Lesotho ke naha ea bo 9 e fuoeng monyetla oa ho kenya tsebetso ente ena, ka Phupjane 2026 ba tlo fumana tsehetso ea ente tse 6000 ho hlaha ho 'muso oa America, hona joale ba atlehile ho fumana 3000. A re ha se hore ba se ba tšepile bafani feela, ba se ba tla likenyeletsa kahar'a lekala e le hore liqetelle li le teng.

Ba khothaletsa hore lithlare tsena li sebelisoa ke batho ba tlokotsing, ena

monate oa eona ke hore ke ente e akaretsang lilemo tsohle.

Ho bile ha buuo a ka mokhoa o mong oa ente ea likhoeli tse peli e entoang setonong (CAB-LA) e le hore lero la teng le potolohe le 'mele.

Motho ea qalang o entoa hangoe kamor'a khoeli o enta hape ho nyolla lero la ente ebe ho tloha moo o entoa kamor'a khoeli tse peli, pele motho a entoa o hlalolojoa lefu la HIV le matšoao a lona.

E na le lekunutu, batho ba nang le tsoaetso ha ba sebelise ente ena o sebelisa lithlare tsa bophelo bohle, bakuli ba lefuba ha ba khone ho sebelisa ente ena hobane lithlare tseo li fokotsa matla a ente ena. Ente ena e ama sebete kaha e choatleha sebeteng, batho bao ha ba lokele ho e sebelisa. Batho ba ekelitseng litono ha ba ente kaha ba lokela ho entoa mosifeng o

loketseng, kaha hoo e le ho litono tsa maiketsetso.

Eona e hlaloso e le bohlokoa kaha e fokotsa menyetla ea tsoaetso ea HIV, e fokotsa menyetla ea ho sebelisa lipilisi kaha li lebeleha, lekunutu le mathata a sebete.

Litlamorao tsa ente ena, e nka nako e telele ho tsoa kahar'a 'mele oa motho, bonyane nakong ea selemo. Motho o sireletseha kamor'a matsatsi a supileng, ba bang ke ba mafu a fapakaneng joaloka mafu a sebete bona ha ba e fuoe. Motho ea sebelisang ente ena o lokela ho bona ngaka nako ea likhoeli tse tharo.

Matšoao a ka bang teng ke bohloko ba ente, hlooho, ho tsekela, letšollo kapa lehlatso le ho ikutloa o khathetse. Motho ha a tlohetse ente ena ha a sa sireletsehile, o ba tlokotsing ea HIV. Eona e entoa ke batho ba 35kg, ho tloha ka lilemo tse 18.



Lithole li bohlokoa

Nthabeleng Seitlheko

Lekala la Tikoloho, Tsa lehae, Borena le Sepolesa 'moho le mafapha a fapaneng le UNDP li thakho-tse khokahano ea ho bona hore lithole li sebelisoa hantle e le karolo ea ho boloka tikoloho e hloekile le bophelo bo botle ba sechaba. Litaba tsena li bile ka la 1 Tlhakubele monongoaha.

Motlatsi oa Mongoli e Moholo Lekaleng la Tikoloho Apesi Ratšele, h'a khakola morero oa ho loantša tšebeliso e mpe ea lithole o re taba ea lithole ha se taba feela e amang tikoloho, e ama moruo oa naha, malapa le metse. O re taba ntoa ena e paka bongoe kaha moo ho nang le kopano ho na le matla.

O re taba ena e bontša

hore Lesotho le na le maikemisetso a ho tsoelapele ho ntlafala, o re lentsoe la motho e mong le e mong le lokela ho aheloa lesa-ka kaha bohle b'a ameha litabeng tsa lithole.

'Maneo Matsoso setsebi sa moruo (UNDP) o re naha ea Lesotho e bonahala e tsoere ka matla ho bona

hore ba sireletsa tikoloho, ba rata ho bona hore ba tšarana ka matsoho le muso, mekhatlo e ikemetseng le litsi tsohle hore ba be leetong le le leng la ho bona hore ba hlola qholotso ea lithole.

O boetse a re ba rata ho kenyeletsa sechaba le likolo hore ho be le karolo eo ba e

bapalang litabeng tsa tikoloho, le ho bona hore ho ba le batseteli hore taba ea lithole e sebelisoa e le mokhoa oa ho theha mesebetsi. O re morero ona oo ba tlang ho o thakhola o tla sebelisoa e le oa naha ho thusa hore ho be le taolo ea lithole ka litse-la tsohle.

Tekahiro Nakamura Mookameli lefapheng la tikoloho UNDP ho hlaha Technology Centre Osaka

etsi ona o tsoelepele, e le ho etsa bonnete ba hore morero oa ho boloka Lesotho le hloekile ke ntho ea bohlokoa. O re ha bohle ba ka arola lithole ka mekhahlelo ea tsona, seo se tla thusa hore lithole ebe tse bolokehileng li nkoa e le tsa bohlokoa ho boloka Lesotho e le le phetseng hantle.

Letsema Adontši o hlalositse hore morero ona o loke-la ho thusa ho matlafatsa bohloeki hore naha e be le seriti le ntlafalo, e le hore hohle lefatšeng ho shebahale ka makhetha. A re lithole ha se ntho e mpe ha li bolokoa hantle, tšebeliso ea tsona e mpe ke ho sa hlomphe naha. O itse tikoloho e hloekileng e paka ntlafalo, le kholo e be e fe naha le sechaba seriti se setle.

O re tšebeliso e ntle ea lithole e ka thusa ho hlalisa mesebetsi, bohle ba lokela ho sebetša 'moho ho bona hore ba hlola liqholotso tse tlišoang ke tikoloho e sa hloekang.

O re sechaba se lokela ho fumana mekhoea ea ho lahla lithole le hore bohle ba li shebe e le karolo ea bohlokoa e ka thusang nyol-long ea moruo. O re bothata ke tlhokahalo ea melao e thusang naha.

Ba boetse ba shebile le hore morero ona o tle o sebetšane le ho boloka tikoloho le boieane ba tlholeho. Ho kenya tšebetsong morero ona ho tla thusa ho ntlafatsa bophelo bo botle ba sechaba le moruo. Ho feta mona o re ho nka khato ena ho beha naha boemong bo holimo ba litaba tsa tikoloho le boetapele.

E mong oa bacha ba bileng 'mokeng ona, ea etsang masale le lihlahisoa tse fapaneng a sebelisa polasetiki, Neo Mosala, o hlalositse hore khakolo ea moralo ona e thusa hore batho bohle ba ikutloe e le karolo litabeng tsa ho boloka tikoloho e hloekile.

O re ke 'nete bacha ba tobane le tlhokahalo ea mesebetsi empa ho bohlokoa hore bacha ba seng ba le khoepong ba matlafatsoe ka malebela le hore ba bang ba tšehetsoe ka lichelete hore khoebo tsa bona li atlehe ho hola. "Ntle le hore re tšehetsoe, lihlahisoa tsa rona li ke ke tsa e-ba ngata hobane ha re na lisebelisoa le mokhoa oa ho holisa mesebetsi." A rialo.

O bile a thoholetsa lekalaka ho thakhola har'a mesebetsi ea lona ho lefisa lekhetho la polasetiki, eleng mohato o motle o bapetseng karolo e ntlafalong ea naha le thuto e fihlile sechabeng. Naha e bontša boikemelo le kholo ka ho kenya tšebetsong maano le melao e fanang ka tharollo.



Ngaka e utulla se jeleng mofu

Nthabeleng Seitlheko

Ngaka ea Forensiki ea Lekala la Sepolesa, Dr. Lefatle Phakoana o boleletse Lekhotla le Phahameng ka la 3 Tlhakubele monongoaha hore Liteboho Sekokotoana ea lilemo li 8, ea ileng a bolaoa ka 'Mesa 2025 a boloa ke mosebeletsi oa malapeng le mohlankana oa hae, o hlokahele ka lebaka la ho bupetsana.

H'a fana ka bopaki ba hae, Dr. Phakoana o itse ha a hlahloba setopo sa moshanyana o ile a bona matetsetso sefahlehong le molaleng. O boletse hore o ile a tsebisoa ke sepolesa hore mofu o fumanoe a shoele 'mele oohle o phuthetsoe ka theipi (sellotape).

H'a botsoa ke e mong oa babuelli nakong ea lipotso tse tebileng hore na lefu le bakiloe ke theipi e neng e

phuthetse Liteboho, le hore na e ka ba e bile ka boomo kapa ka phoso? Paki e arabile ka hore ha ho khonehe hore motho a iketsetse ho hatelloa moea. O hlalositse hore ho hatelloa moea ho etsahala ha molomo le nko li koaloa hoo moea o sa keneng, a phaella ka hore ho na le monyetla o monyenyanane hore sena se ka etsahala ka phoso. Dr. Phakoana o tiisitse hore o qheletse ka thoko ho khangoa e le sesosa sa lefu tabeng ena.

O boletse hore matetsetso a bonahalang 'meleng a ka 'na a bakoa ke motho e mong, kapa ke ho tlamisoa ka theipi, kapa ke mofu ka bo eena ha a leka ho itokolla. Leha ho le joalo, o itse a ke ke a bolela ka tieo hore na matetsetso ao a bakiloe ke eng.

Babuelli ba baqosuo ba ile ba bollella lekhottla hore baqosuo ba ile ba koahela molomo oa moshanyana ka

theipi feela hore a se ke a hoeletsa ho kopa thuso, kamor'a hore ba mo botse ka li-pin tsa likarete tsa banka. Ho boetse ha boleloa hore ba ile ba mo tlama matsoho le maoto, ba mo kenya ka kamoreng, 'me ka nako eo ba ne ba tahliloe kaha ba ne ba noa joala.

Pele ho bopaki ba ngaka Lekhotla le ne le se le amohetse lipolelo tse 'maloa e le bopaki, ho kenyeletsoa le tsa batsoali ba mofu, Lillo Sekokotoana le Malithakong Molupe.

Babuelli ba ile ba koala nyeoe ena ka mor'a bopaki ba Ngaka. Lipaki tse ling tse ileng tsa fana ka bopaki ke; moahisani, Mothibenyane Letsosa, hammoho le mohloloane oa mofu, Lereko Sekokotoana, ea neng a le lilemo li 15 nakong eo ngo-an'abo a bolaoang.

Bopaki bo hlalositsoeng ka pel'a Lekhotla bo senotse hore Motšeliseli Maoeng, ea neng a hiriloe e le mosebeletsi oa lapeng la Sekokotoana, Ha Leqe, Maseru, hammoho le mohlankana oa hae, John Lefoka, ba ile ba utsoa thepa e kenyeletsang liaparo, lijo-thollo, mohlala le lisebelisoa tsa kichineng, e hakanyetsoang ho M300 000.00.

Ho tlalehoa hore Maoeng o ile a tšoaroa 'me a nehelanoa sepoleseng sa Lithabaneng ke mohloloane oa hae eo e leng setho sa sesole, ha moqosuo-a-moho le eena a ile a nehelanoa sepoleseng ke sechaba. Nyeoe ena e mametsoe ke Moahloli Tšeliseli Mokoko.

Japan, o re mosebetsi ona o ne o qale ka 2008 moo ho neng ho bitsoa Maseru Waste Management.

Dr. Jacqueline Olweya Moemeli oa UNDP Lesotho o re o qholotse hlaholo ke lithole tse tletseng hohle, hobane linaheng tse ling o ke ke oa bona lithole hohang, tikoloho e hloekile. O re ba atlehile ho kena letšolong la "Wednesday free plastic" 'me kholo ea lona e bonahetse kahar'a naha mabenkeleng, le ho kenya tšebetsong lekhetho la polasetiki le thusitseng hore ho bonahale plastic e fela mabenkeleng.

O re selemong se fetileng UNDP e ile ea khobokanya bacha ho ba khotaletsa ho tla ka mahlale a ka etsoang ho sebelisa lihole ho hlalisa mesebetsi. Ba bona hore sechaba se phela hantle. O re hona le lihlopha tse tharo tse tla hlalisa mekhoea e fapaneng ho sebelisoa lithole, ebile ke bokamoso ba Naha ea Lesotho.


Lebitsong la Letona la Puso ea Libaka, Borena le tsa Lehae le Sepolesa, Mohlomphehi Stephen Mputi o re taba ea lithole e hohle kahar'a naha, ke taba e soabisang e tšoarising hlooho, 'me ba lokela ho e fumanela tharollo. O re ho bontša hore Naha ea Lesotho e phamoletse boemo bona holimo seo ba ileng ba seetsa ke ho kena letšolong la ho boloka Lesotho le hloekile, moo ba neng ba tsamaea le literopo ho bona hore b'a hloekisa hohle le ho kenya moea sechabeng.

A re ho tla theoa likomiti tse tla thusa hore moseb-





MOB Kidds Edutainment




Across

- 3 Ngoanana eo letsoele la hae le qalang ho tiea-tiea (9)
5 Moshanyana ea hlolang bohle motseng oa habo. (7)
8 Moshanyana ea tsoang ka thabeng selemong sona seo. (9)
9 Ke ngoananahali. (7)
10 Ngoanana ea hlahlamang mosuoe ka boikarabello mophatong. (6)
11 Ngoanana ea tlotseng phepa mophatong. (6)
13 Moshanyana e monyenyanane ho feta bohle ka boikarabello mophatong(8)
14 Moshanyana ea seng a qetile selemo le ho feta a bolotse. (7-6)

Down

- 1 Moshanyana ea hlolang thaka tsa hae. (10)
2 Moshanyana ea lipakeng tsa lilemo tse 13-18. (9)
3 Ngoanana ea seng a bonya le bahlankana (7)
4 Ke ngoanana ea seng a fetiloe ke lilemo tsa ho nyaloa. (8)
6 Ngoanana ea qalang ho hlaha liola molora (9)
7 Moshanyana ea boitukisetsong ba ho bolla. (9)
12 Moshanyana ea sa bollang. (5)

Likarabo tsa Puzzle MOB 94-4624





TSA KEREKE

O boetse ho ‘Mopi oa hae

Staff

Bakriste ba ile ba khobakana ka bongata ho hlaha limmishoneng tse ngata ho tla felehetsa Rev. Fr. Lawrence Matsora OMI borokong ba hae ba ho qetela. Tsena li bile Parisheng ea Mofumahali oa Lefaatše Mazenod ka la 28 Hlakola monongoaha.

Litšebeletso li qalile ka Sehlabebelo se Halalelang sa ‘Missa se neng se eteletsoe pele ke Mobishopo oa Tikoloho ea Qacha’s Nek Mohl. Joseph Sephamola OMI, a tlatsitsoe ke Babishopo ba babeli, Mobishopo John Joale Tihomola SCP oa Mohale’s Hoek le Mobabatsehi Tlali Gerard Lerotholi OMI oa Maseru.

Khothatsong ea hae Mohl. Tihomola a re ho ea ka buka ea Bohlale ho ngotsoe ho thoe, ‘meeae ea ba lokileng e matsohong a Morena Molimo.’ A re lefu lena la mohlanka, moprista oa lentsoe la Molimo le imetse lipelo tsa bona haholo hobane ke la tšohanyetso. A re lentsoe la hae ha ba sa tla le utloa moo a neng a ruta ka tumelo, ka lentsoe la Molimo ho Radio Maria, a tšelisa ba llang , a matlafatsa ba fokolang, ho-

Morena Jesu Kriste. O ne a kena malapeng le metseng, lipetlele le lipelong tsa batho. A re batho ba neng ba iphumana ba le inotši ba ile ba fumana motsoalle ka thuto ea hae. Ba neng ba ferekane ba ile ba fumana leseli, ba neng ba saretsoe ba fumana tšepo. A re leha ho le joalo, ba ke ke ba hlola ba utloa lentsoe la hae, empa thuto ea hae eona e thophothetse ho ba neng ba lula ba mo mametse, ‘me ba kotutse tse molemo.

Mohlomphehi Tihomola a re ho ngotsoe hape ho thoe mahlong a maoatla e ne e ka ba shoele athe bona ba khotsong.’ A re bophelo ba Fr. Matsora ha bo ea lekangoa ka bolelele ba matsatsi empa ka lerato, e seng ka liketso empa ka boikokobetso. A re boprsta ha bo bonolo bo hloka sehlabelo, mahlomola, tiisetso, lerato le sa feleng leha motho a sa utloisisi. A re o ile a jara lifapano tsena ka khutso, leha ho le joalo o ile a lula a thabile a inehetse tšebeletsong ea ho jala lentsoe la Morena Molimo.

A re tumelo ea rona ha e hanele meokho ea rona ho tšoloha, empa e re tlatsa ke tšepo. A re lefu ha lena lentsoe la ho qetela, Kriste o na le rona, o tsohile bafung ke eona thuto eo ba e fumaneng ho eena. A re o ba sietse lefa la hore ba phehelle ho rape-

Morena Molimo, ‘me o tšelisa malapa ao a mabeli la Maoblata le la Matsora.

Lebitsong la LCBC Mobabatsehi Tlali Gerard Lerotholi OMI o ile a re mofu Fr. Matsora o ne a amohetse pitso ea hae ka thabo le ka kutloisiso, ‘me o ne a e-na le lineho tse ikhethang. A re o ne a khothaletsa bakriste ho ea selibeng ho ea ithatsoa, hobane maipolelo a bohlokoa, a ba khothatsa hore ba bake libeng tsa bona ‘me ha ba se ba tšoaretsoe ba khutlela ho Morena Molimo oa bona. A re tsohle o ne a li etsa a itšetlehile ka lentsoe la Maria. A phethela ka hore bohlokoa ba letša bo bonoa ha le se le chele.

Ramaoblata Fr. Sydney Mothusi Boatile OMI, a re ba lahlehetsoe ke setho se matla e le Maoblata, motho ea neng a ena le boikokobetso. A re tšimo ea Morena e khole e hloka bakotuli, joale ha litaba li le tjena li bohloko haholo ho bona e le Kopano. A leb-oha bohle esita le lapa la Fr. Matsora haele mona ba ile ba fana ka ngoan’a bona ho kereke, ‘me a se ke a fetohe-la boitlamo ba hae ho fihlela lefu le mo khaoletsa.

Rev.Fr. Lawrence o ne a ikarabella Lebothong la Maria Lesotho, ‘me o na filoe thomo ‘Mishoneng oa Loretto deanery ea Mofumahali oa Tiholo,



bane ke mona o bitselitsoe hae ke Molimo.

A re Fr. Matsora o ile ho ‘Mopi oa hae ka baka la hobane o ne a utloisisa thomo ea hae. A re joaloka Moprofeta Jeremia o ne a jere mollo oa lentsoe la Molimo ka ho phatlalatsa evangeli ea

la, ho tšepahala le ho hasa evangeli le hore bohle ba be le botšephehi ho phatlalatsa tumelo ka Radio Maria.

Sister Baptisina Tihakola lebitsong la likopano tsa Baitlami a re Fr. Matsora ebile mohlala o phelang pitsong ea hae ea ho hasa lentsoe la

moo lefu le mo khaoletsang a ntse a phetha thomo ea Morena. Fr. Matsora o ne a sebetse a fepa sechaba sa Morena Molimo lentsoe ka Radio Maria Lesotho ka lenaneho le bitsoang serata ngoana, hape a manolla, a hlalosa lipalo tsa Sontaha.

2025-2026 SELEMO A

SONTAHA SA 3 SA KARISIMA



Exoda 17:3-7
Pesalema 94
Ba-Roma 5:1-2.5-8
Joannes 4:5-42



Khothatso

Metsi a phelisang

Ka Paseka bakatekumena ba tla hlatsua ka metsi le ka Moea o Halalelang. Hore ba utloisise phetoho e tla etsoa meeng ea bona, Kereke e ba ruta bohlokoa ba metsi le matla a ‘ona.

Thutong ea pele e nkuoeng bukeng ea Exoda, re utloile taba e ‘ngoe e etsahetseng khale-khale haholo, ke lilemo tse fetang likete tse tharo. Moshe o n’a qeta ho ntša Baheberu bokhobeng ba Egepeta ‘me ba fihla felleng ba nyorora, ba hloka metsi. Ba ile ba ipelaetsa ‘me Moshe a tlameha ho balehela ho Morena Molimo le ho kopa tšireletso le keletso ho eena. Morena Molimo a laela Moshe ho otla lefika ka molamu ‘me metsi a mangata a kopotsa lefikeng leo ho pholosa Baheberu le mehlape ea bona.

Ho thata ho ahloa Baheberu, hobane ha re tsebe seo re neng re ka se etsa hojane re ne re e-na le bona felleng, re bolaoa ke lenyora. Empa seo re se tsebang ke hore hangata, liketsahalang tsa bophelo ba rona, re phakisa ho belaela ha re fumana litaba li sa tsamae ka thato ea rona. Re lebala paballo ea kamehla ea Molimo oa rona, ‘me sebakeng sa ho mathela ho eena ka boikokobetso le tšepo, re hlalisa likopo tsa rona ka boikhamiso re ntse re balaela.

Hantle-ntle re nahana hore re bakriste ba lokileng, ha ntho tsohle li tsamaea ka thato ea rona, empa hang ha Molimo a re kopa ntho e thata, sehlabelo se itseng, kapa a re tsamaisa tseleng e moepa kapa felleng le se nang metsi, re bontša hore bokriste ba rona bo ntse bo fokola haholo. Re lebala hore bophelo ba rona mona lefatšeng ke leeto. Moeti e mong le e mong o tseba hore ha a le leetong, o tla thulana le mathata le liitsi ‘me ha ho tšoaane le ha a le hae a lutse hamonate, a na le ntho tsohle tseo a li hlokanang. ‘Me moeti o khothatsoa ke mohopolo oa hore ha a se a fihlile moo a eang teng, o tla fumana phomolo, khatloloho le lehlohonolo.

Seo re se rutoang thutong ea Baheberu felleng, ke hore ha habo rona ha se lefatšeng, ke leholimong. Ka baka lena, re kheloha tsela ha re rata ho aha ntlo ea rona mona lefatšeng le ho ipatlela boiketlo bohle boo re bo lakatsang. Ha re tsebile hore re leetong, teng re tla amaohela habonolo mathata a tsela ‘me mohopolo oa leholimo o tla re khothatsa, re ntse re hophala le teng hore re eteletsoe pele ke Kriste eo e leng tsela, ‘nete le bophelo, ea re baballang ka ho re sita kamehla ka tse hlokalahalang hore re tle re se ke ra bolaoa ke mathata a tsela.

Evangeling, puisanong ea hae le mosali oa Mosamaria, Jesu o mo hlalose tsela matla a maholo a metsi a mohlolo ao a fanang ka ‘ona. Metsi ana a phelisang ‘me a phallelang bophelong bo sa feleng, ke metsi a Hlatsuo. Ka Hlatsuo, re etsoa bana ba Molimo, majalefa a leholimo ‘me re kena tseleng e nepahetseng ea leholimo. Ka mohau oa hae, Kriste o file Kereke ea hae tsohle tseo re li hlokanang tseleng ena ea bophelo.

Re na le ‘mapa oa tsela le lihlaloso tse behiloeng kahohle ha re ntse re e-ea, hore re se ke ra hlaloe ka le likotsi kapa ra lahleha: ‘mapa ona ke linnete tsa tumelo ea melao ea Molimo. Re fuoa le mofao oa tsela e leng lisakramente, haholo ea Pako le ea Eukariste, tseo re imatlafatsang ka tsona khafetsa esita le ka matsatsi. Kriste ke eena ka sebele lijo tsa rona, mofao oa rona tseleng ea leholimo.

Re ka ipotsa hore na ke ka baka la’ng Kriste a nkileng setšontšo sena sa metsi ho re fa bophelo ba hae. Ke hobane metsi le bohobe ke lijo tsa mantlha, tseo re li tlotseng, tseo re sitoang ho phela kante ho tsona.

Metsi ao re buang haholo ka ‘ona kajeno a na le matla a ho timetsa le ho phelisa. Ha ho letho le kotsi joaloka metsi. Ka selemo se seng le se seng re utloa hore batho ba ile ba khangoa ke metsi, bankoa ke linoka. Re ka talima mollo le metsi empa ha ho letho le ka kokobetsang bohale ba metsis le matla a ‘ona.

Empa le teng, haholo ntho e hlokalahalang bophelong ba rona ho feta metsi le moea. Re ka ‘na ra phela le ha bohobe bo le sieo, empa ha metsi a le sieo kahohle, lilibeng, linokeng le matšeng, re ka shoa hang, hobane metsi ke ntho e phelisang ruri; ka ‘ona re pheha lijo, rea ithatsoa, re hlatsoa liaparo, ‘me re noesetsa masimo.

Matla ana a mabeli a fapaneng a metsi, a ho timetsa le ho phelisa, a ile a bonahala hantle mohl’a Baheberu ba tsoang bokhobeng ba Egepeta ‘me ba tšela Leoatle le Lefubelu. Metsi a leoatle a ile a pholosa Baheberu empa a khama mabotho a Faro a neng a ba lelekisa.

Matla ana a mabeli a metsi a sebetse mohl’a Hlatsuo ea rona, hobane ka matla ao a a filioeng ke Kriste ka lefu le tsoho ea hae bafung, metsi a bolaea sebe ka ho rona ‘me a re phelisa ka ho re fa bophelo bo bocha, boo e leng ba Molimo ka sebele.

Letsatsi le khethetsoeng ho hlatsua bakatekumena ke la mokete oa Paseka. Ha ba se ba ananetse mesebetsi ea Kriste ea Paseka, eleng lefu le tsoho ea hae, ba amohela matla a lefu le tsoho ea Kriste ka ho hlatsua ka metsi.

Motsotsong oa Hlatsuo, ha motho a hloekisoa ka metsi, o ba le kabelo ka mokhoa oa mohlolo lefung le tsohong ea Kriste, ‘me le eena o shoa ka nqeng ea sebe, a tle a tsohele bophelong bo sa feleng ho Kriste. Ho bontša hantle mesebetsi ena e ‘meli, Hlatsuo e ka ‘na ea fanoa ka ho qelisana mokatekumena metsing, e le hore ho hlake hore ha se moetlo feela, empa ebile ke sakramente e kopanyang bahlatsua le Kriste.

A re leboheng Morena Molimo ka baka la Hlatsuo ea rona, ‘me re nchafatseng e sa le hona joale lipallo tsa rona tsa ho furalla, ho felisa le ho bolaea matla a Satane ka ho rona, le tsa ho inehela ho Kriste le ho itšoarella ka eena ho-ea-ho-ile.

Bahalaleli har’a Beke

9	Tlhakubele	Pacian
10	Tlhakubele	Attalas
11	Tlhakubele	Candidus
12	Tlhakubele	Fina
13	Tlhakubele	Conon
14	Tlhakubele	Ardo

Bokong HS e itlhoma pele

Tšeliso Thakholi

Ho shebaha- la Sekolo se Phahameng sa Bokong tikolohong ea Katse selemong sena se jesetsa likolo tse ling khoebeleng, se ka mae-ba, litlholisanong tsa lipapali tsa Sesotho tsa Katse Dam Tourism Festival, tse bileng Letamong la Katse, Thaba-Tseka ka la 27 ho isa la 28 Hlakola monongoa-ha moo se ileng sa hahara bokhothokhotho ba chelete e kaalo ka M24,000.00 le mehope e meraro.

Sekolo se Phahameng sa Bokong se ne se iketsetsa borata ka lihlopha tse 16 tseo se neng e qothisana lehlokoa le tsona. Haele ka ho tsa mathomo teng, Sekolo sa Bethsda sa Ha Kenene e bile sona mohloli ka ho ikhapela chelete e kaalo ka M6,000.00 le mehope e mengata.

Puisanong le Mookameli oa Sekolo se Phahameng sa Bokong ebile e le tichere ea lithuto tsa Sesotho, eo hlathe e neng e lelekisa tsebe ke thabo Mofumahali 'Manthatisi Jobere, o bole-

tse hore lipapali tsa bochaba li bohlokoa haholo ho sechaba sa Basotho hobane li se hopotsa nalane ea bona. A re li hlabolla bana ba likolo hore ba lule ba thabile le hore ba kopane 'moho e le likolo tsa tikoloho ea Katse ho tsebana le ho bopa setsoalle.

Ka holimo ho tsohle, a re li thusa bana haholo ka lihlopheng kaha li le teng lenane-thutong la bona. "Li thusa bana hore ba tsebe hantle hore ha ho bua ka papali ea mokhibo ho boleloang, e bapaloa neng, e bapaloa joang le hore e bapaloa motho a apere moaparo ofe, empa e kholo ka ho fetisisa ke ho hopotsa bana le batho ba baholo bochaba ba bona." A rialo.

A bontša hore lipapali ha hona moo li sitisang bana lithutong tsa bona tsa letsatsi ka leng, kaha ho ena le matsatsi a khethiloeng sekolong sa hae, e leng la Labobeli le Labone bakeng sa boikoetliso ba lipapali tsa bochaba. A re Sekolo se Phahameng sa Bokong se fapana le tse ling kaha batho ba rutang bana lipapali tsa Sesotho e le litichere tse Rupertsoeng ka lipapali tsa Sesotho, a bile a kenyelet-

sa eena e le Mookameli oa sekolo.

A bontša hore chelete ena eo ba e fumaneng morero o moholo oa eona ke ho tla e sebelisa bakeng sa ho reka liaparo bakeng sa lipapali tseena. "Re rerile hore re il'o reka marikhoe a mohobelo, mese ea litolobonya le ea mokhibo le ho eketsa seaparo lipapaling tse ling." O boletse joalo.

A thetha ka ho etsa tlhokomeliso ho batsoali hore lichelete tseo bana ba li hapileng litlholisanong tseena, e kaba ke ka bo mong kapa ka lihlopha ha se tsa bana ke tsa sekolo kaha li reretsoe ho ntlafatsa lipapali le likolo. "E tsoe ngoa-

na kapa bana ha ba bapala lipapali tseena nakong ea tlholisano ha ba ikemela ba emetse sekolo sa habo bona." O ne a bua sena e le h'a re ka linako tse ling ba fumana mehala e mengata ho tsoa ho batsoali ba bana ba batla limpho kapa lichelete tseo bana ba lihapileng.

Mookameli oa Sekolo sa Mathomo sa Bethsda, Mofumahali Thandiwe Winie, o thoholelitse bahlophisi le tšehetso eo LHDA e fanang ka eona lipapaling tseena, kaha lichelete tseo likolo li ikhapelang tsona li sebelisoa molemong oa sekolo, ho holisa le ho matlafatsa lipapali tseena. A re lekunutu le leholo la hore a lule a hapa lipapaling tseena ke tšebelisoano 'moho e mofuthu le

litichere tsa habo le batsoali ba bana, kaha e le bona ba ba thusang ho rupela bana lipapali tse fapakaneng tsa Sesotho. A leboha bohle ba kentseng letsoho hore ebe sekolo sa habo se atlehile ho hapa.

Ho tloha ha Bethsda e qala ho kenela litlholisano, e se e hapile mehope le meputso lilemo tse tharo tse latellanang lipapaling tse kang tsa mokhibo le tse ling. Haele likolo tse sa kang tsa atleha ho hapa le ha e se e le mohope feela, li supile Sekolo se Phahameng sa Bokong le Sekolo sa Mathomo sa Bethsda ka mona, tsa etsa tšepiso ea hore selemong se tlang li tla kopana le lipela li falla, etsoe leihlo le sa fahloe habeli.



Li boea sekoele

Nthabeleng Seithleko

Lesotho, Botswana le Eswatini li boetse li khutlisa ka matla lipapali tsa likolo tse phahameng kamor'a ho emisoa ka lebaka la seoa sa COVID-19. Litaba tseena li boletsoe ke Mookameli oa Baithuti Sekolong se Seholo sa Sechaba (NUL) Tumo Tsanyane, ka la 4 Tlhakubele monongoa-ha.

O re morero oa lipapali tseena ke ho kopanya likolo, ho matlafatsa setso le bochaba, le ho aha setsoalle har'a baithuti ba linaha

tseena tse tharo. O re likolo tseena li una molemo o moholo lipapaling tseena kaha li thusa baithuti ho tsebana, ho ithuta ka litaba tsa bochaba, le ho ntlafatsa bokhoni ba bona lipapaling le lithutong. Lipapali tseena li tla qala ka la 7 'Mesa ho fihlela la 13 'Mesa. Ka la 7 'Mesa e tla ba letsatsi la ho amohela baeti, ha lipapali ka bo tsona li tla thakholoa ka la 8 'Mesa monongoa-ha.

Bahlophisi ba boetse ba bontšitse kananelo ho likhoebo tse tšehetsang ketsahalo ena, tse kenyeletsang Lecholi, Econet, Sima Communications le Dew

Drop. Ba re katleho ea lipapali tseena e itšetlehile haholo ka tšebelisoano 'moho le tšehetso ea likhoebo tseena.

Har'a lipapali tse tla bapaloa ho kenyeletsoa bolo e tla bapalloa Bambatha, mabelo a tla tsoareloa Setso Stadium, hammoho le lipapali tsa ka tlang. Lipapali tseena ha li bohlokoa bakeng sa sekolo feela, empa le bakeng sa naha ka kakaretso. Ho lebeletsoe hore Botswana e tle le baithuti ba ka bang 750, hammoho le likolo tse ling tse tsoang linaheng tse amehang.

Bahlophisi ba tiisitse hore tšireletso e tla ba matla ho sireletsa baithuti, litichere le sechaba ka kakaretso nakong ea lipapali tseena. Ba

boetse ba sebetsa 'moho le sechaba sa Roma ho netefatsa hore le sona se una molemo ketsahalang ena.

O re ba tla sebetsa bo-

o re ba ikemiselitse ho fana ka litšebeliso tsa bona bosiu le motšeaare libakeng tsohle tsa ketsahalo, e le hore batho ba fumane



siu le motšeaare ho tla ba le batho ba sebetsanang le litaba tsa ho tsamaisa baeti ho ba isa libakeng tse fapakaneng.

Pitikoane Francis Mothoane, Letona la Lipapali Sekolong se Seholo sa Sechaba, o hlalositse hore ho tla ba le lipapali tse 21 ka kakaretso. O re tseena ke tse ling tsa lipapali tse kholo tse tla etsahala kahare ho naha, 'me li tla fana ka monyetla ho baithuti ho rekiisa lihlahisoa tsa bona bosiu le motšeaare ho sechaba sa Roma.

Palo Kobile, ea emetseng Econet, e leng e mong oa batšehetsi ba ka sehloohong ba lipapali tseena,

litšebeliso ka potlako le ka nepo.

Ka lehlakoreng le leng, Mosa Lesetla oa Sima Communications, o boletse hore ba tla sebetsa 'moho le bahlophisi ka thekiso ea litekete ho fihlela ketsahalo e phetheloa. Ho ke ke ha amoheloa chelete hekeng batho ba tla kena ka litekete feela. Tsietsi Pokane le eena o hlalositse hore Lecholi e tla ba teng ho fana ka lijo e le karolo ea tšehetso ea bona ketsahalang ena.

Lipapali tseena li lebeletsoe ho matlafatsa likamano tsa linaha, ho khothaletsa bonngoe, le ho aha bokamoso bo khanyang bakeng sa bacha ba tikoloho ena.



Lihlopha tsa Vodacom li'a koebana



Tšeliso Thakholi

Lipapali tsa Mokha-hlelo oa bobeli oa Liki e Kholo ea Vodacom li ile tsa tsoelapele mabaleng a fapakaneng kahar'a naha mafelong a beke ea la 27 le la 28 Hlakola monongoaha.

Matsatsi ao e bile a lillo le litsikitlano tsa meno sehlopheng se sireletsang mohope makhetlo a mararo ka tatellano sa Lioli 'Tse Nala', kaha bekeng ea la 7 Hlakola se ile sa bapala ka seahlolo sa 1-1 le Manonyane, ka Moqebelo sa khahloloa ke Bantu ka 2-1 nakong eo barati ba bangata ba neng

ba ena le tšepo e kholo ea hore se tla tla se intšetsa bohloko ho Bantu. Haele ka Moqebelo sehlopha sa Matlama se neng se amohetsoe ke Members se ile sa e pulukanya le ho e shashara ka thupa ea 2-1, 'me Manonyane le Liphakoe tsa bapala ka seahlolo sa 1-1. Athe ka Sontaha Li-

nare e ile ea bolaisa Maroala lipaputla ka lintlha tse 3-1. Linare ke eona feela e sebelitseng hantle ka ho hlaba lintlha tse ngata mafelong a beke e sa tsoa feta.

Hona ka Sontaha sehlopha se bonahalang se katile mollo sa Lifofane, se ntseng se tsekisana maemo a pele lokong le Lijabatho, se ile sa tsoa ka lesobana la nale ha se ne se shapa Machokha ka phafa e bohloko ea 1-0. LUFC le LMPS tsa pitikisa mahe 0-0, ha Majantja le LCS li ile tsa bapala ka ho lekana la 1-1.

Ho sa le joalo, lihlopha kaofela li bapetse lipapali tse 21 ntle le Lijabatho e ntse e saletse morao ka papali e le 'ngoe, 'me hajoale Lifofane e maemong a pele kamor'a hore e hlole Machokha, e bokelelitse lintlha-kholo tse 45, bobeling ke Lijabatho e qetang ho theoha maemong a pele ka lintlha-kholo tse 42, borarong

ke Bantu ka lintlha-kholo tse 41, maemong a bone ke Matlama e se e kene kahare ho tse 'ne tse kaholimo ka lintlha-kholo tse 40 kamor'a ho qala lipapali tsa eona selemong sena e sa bapale hantle.

Athe bompoli ba sireletsang mohope e leng Lioli e boemong ba bohloko ka lintlha-kholo tse 37. Ka qetelong ea loko ke lihlopha tse ncha haholo Liking e Kholo ea Vodacom e leng Members e boemong bo 15 le Maroala e boemong ba bo 16. Bobeli lihlopha tsena lia lekana ka lintlha-kholo kaha libokelelitse tse 10 sehlopha ka seng ka mokhotleng.

Leha ho le joalo, lihlopha tse bonahalang li le kotsing e kholo ea ho ka iphumana li tsoile Liking e Kholo ha feela li ke ke tsa sebet-sa ka thata ke Machokha e boemong ba bo 11, LUFC e boemong ba bo 12, Liphakoe e boemong ba bo 13 le Manonyane e maemong a bo 13. Haele lihlopha tse kang Majantja e kileng ea ikutloisa monate ka ho lula nako e telele maemong a pele lokong le LDF le Linare li se li sebeletsa hoba feela kahare ho lihlopha tse robeli tse ka holimo lokong.

Athe LCS le LMPS ka tatellano ea tsona lokong li se li sebeletsa feela ho baleha ho rathoa ke selepe ha lipapali li fela e le hore li se hlole li etsoa lihlopheng tse kholo, kaha monyetla oa tsona oa hore li ka ba kahar'a lihlopha tse robeli tse kaholimo o se o fokola haholo, ntle le ha ho ka etsahala mehlolo e mona e atisang ho etsahala papaling ea bolo ea maoto.

Ho tloha esale lipapali tsa Liki li qalile lihlopha li se li hlabile lintlha tse 380 ka lipapali tse 21 tseo li seng li bapetsoe ke sehlopha ka seng. Hona ke sesupo sa hore bothata ba ho hlaba lintlha lihlopheng tse kholo e ntse e le pharela. Bothata bona ke bo bong bo atisang ho bonahala haholo sehlopheng sa naha, 'me taba ena e qala lihlopheng tse nyenyane ho ea ho tse kholo.

Haele mafelong ana a beke, ka Moqebelo e tla ba lipapali tse tharo feela moo Lifofane e tla amohe-la Lioli, LUFC e bapale le Members, Manonyane e bapale le LDF ha LCS e tla bapala le LMPS. Ka Sondaha teng e tla ba lipapali tse 'ne e leng moo Liphakoe e tla kopana le Matlama, Lijabatho e botsane lipotso le Majantja, Linare e isane holimo le tlaase le Bantu, ha Machokha e tla momana habohloko le Maroala.

E hapa COSAFA lekhetlo la pele

Tšeliso Thakholi

Kamor'a hore Sehlopha sa Naha sa Bolo ea Maoto ea Basali Mehalalito e se hlolehe ho tlela Basotho tholo, sehlopha sa Brave Gladiators ea Namibia se phamoletse Mohope oa COSAFA Women's Cup holimo, kamor'a ho tloebe le ho tlabola sa Banyana Banyana ka phafa ea 2-1, papaling ea makhaola-khang a Mohope ona, e bileng lebaleng la Peter Mokaba, Afrika Boroa bosiung ba la 1 Tlhakubele 2026.

Brave Gladiators e phamotse mohope ona ho Copper Queens ea Zambia eo e neng e le eona e sireletsang kamor'a ho o hapa ngoaho-

la. Brave Gladiators e hapa mohope ona lekhetlo la pele kamor'a lilemo tse 20, e ne e qetele ho bapala ho makhaola-khang a lipapali tsena, ke bo-mpoli ba bacha ba bolo ba Mohope oa COSAFA Women's Championship. Banyana Banyana eona e se e hapile Mohope ona ka makhetlo a supileng. Athe Mehalalito eona ha e-s'o hape le ha e se le o le mong feela.

Likhalala tsa Brave Gladiators likhutletse hae Motse-Moholo Windhoek, Namibia ka litlatse le melu-luetsane ea thabo kaha li ne li etsa nalane e ncha papaling ea bolo ea basali ka ho ikhapela mohope ona.

Leha Banyana Banyana e hlotsoe ho ngola nalane e ncha monongoaha, batšehetsi ba bangata ba bolo ea

maoto ea basali ba Naha ea Afrika Boroa, ba nyakaletse le ho ikotla sefuba ka khala-la ea bona e neng e hlile e ipabola lipapaling tsena e leng Nthabiseng Majiya, ea ileng a hlaba ntlha ea pele ea Banyana Banyana ha Mulinatjo Hanavi a ile a lekanya lintlha. Athe Memory Ngonda o ile a hlabela Brave Gladiators ntlha ea tlhoko nakong e ekelitsoeng.

Ngonda o phahamise folakha ea naha ea habo ka ho hlabela sehlopha sa habo lintlha tse tšeletseng kaofela ho tloha lipapali tsa COSAFA li qalile. Mehalalito eona e hlabile ntlha e le 'ngoe lipapaling tsena kaofela. Hona ke tlotla e kholo ho khalala ena ea Naha ea Namibia 'me khau e'a mo tsoanela. Haele libapali tse ling tsona li ngolisitse mabit-

so a tsona libukeng tsa lipapali ka ho hlabela linaha tsa habo tsona ntlha e le 'ngoe joaloka Mehalalito e, lintlha tse peli, tse tharo, tse 'ne le tse tšeletseng.

Litlholisano tsa Mohope oa COSAFA Women's Championship li fihla pheletsong tjena e le ha mahlo boholo a barati ba papali ea bolo, a se a shebile lipapali tsa AFCON 2027, moo Sehlopha sa Naha Likuena se tli'l'o bapala le sa Seychelles ka la 28 Tlhakubele 2026. Ke hona litlholisanong tsena moo Naha ea Lesotho tlas'a mokoetlisi e mocha Monghali Bob Mafoso, e lokelang ho phahamela mapoqo le ho ithukhubetsa ka matla hore e tle e hlakole Basotho meokho kamor'a ho rojoea lipelo ke Mehalalito e lipapaling tse tsoa feta.



Mokete Letamong



Tšeliso Thakholi

Mokete o re-retsoeng ho boloka boleng ba sechaba sa Basotho le ho holisa bohahlaoli kahare ho naha oa Katse Dam Tourism Festival, o neng o hlophisitsoe ke mokhatlo oa sechaba oa Katse Dam Action and Aid Community Forum, ka tšehetso ea Morero oa Metsi a Lihlaba tsa Lesotho, o ketekiloa ka bokhabane bo bohola Letamong Ha Katse, Thaba-Tseka ka la 27 ho isa la 28 Hlakola 2026.

Mokete ona o se o e-na le lilemo tse hlano o ntse o tsoela pele ka katleho o kholo, o qalile letsatsing la Labone ka litholisano tsa lipapali tsa Sesotho tse kang mokhibo, litolobonya, mohobelo, ndlamo, liphotha, selialia, lithoko le lipina tsa mokopu ka likolo tsa mathomo le tse phahameng tsa tikoloho ea Ha Katse. Letsatsing la Labohlano e bile lihlopha tsa batho ba baholo ka lipapali tse tšoanang. Ha letsatsi la Moqebelo ebile la phano ea limpho ho likolo, batho ka bo mong le lihlopha tsa batho ba baholo tseo e leng bahloli.

Letona la Matla le Lihloloeng, Mohlomphehi Mohlomi Moleko o boletse hore o thabisitsoe ke mokete ona haholo, kaha o ntse o ntšetsapele tumellano e entsoeng ke

Morero oa Metsi a Lihlaba tsa Lesotho ea ho phetha thomo ea bona e neng e tekeneloe ke linaha tse peli e leng Lesotho le Afrika Boroa ea khaho ea matamo, marokho le litonoro tse isang metsi Afrika Boroa.

A re kahare ho tumellano eo, hona le ea bohlokoa ho sechaba sa Basotho, e reng LHDA e lokela ho ntlafatsa bohahlaoli. "E bone hape hore ho ba le motlakase o fehloang ka metsi, ho ba le mokhoa oa ho noesetsa le ho ruoa lithlapi." O boletse joalo, a b'a eketsa ka hore mokete o ntse o hlile o araba litaba tsena kaofela ka hore bohle ka mekhahlelo ea bona e fapakaneng ba tlameha ho ntlafatsa bohahlaoli.

A re Mokete oa Katse o boetse o thusa bacha ha-

hlo ho bapatsa litalenta tsa bona tse fapakaneng tse kang tsa lipapali tsa



Sesotho, 'me ho latela ka moo ho hlophiloe, hoba le chelete le limpho tse fanoang ho ba nkileng karo-

lo, e leng se fanang ka morolo le matla ho bacha ho ela hloko hore litalenta tsa bona li ka ba phelisa.

A etsa mohlala ka e mong oa batho ba ileng ba ikhapela chelete e kaalo ka M20,000.00 lipapaling tsa Sesotho. A re sena se thusa bacha ho bula mahlo hore ka litalenta tsa bona bophelo bo teng. A qetella ka ho ipiletsa ho sechaba sa Katse ho baballa tikoloho ea bona, e le ho hohela bohahlaoli le ho boloka boleng ba sechaba sa Basotho ka lipapali le meaparo.

Mookameli oa Morero oa Metsi a Lihlaba tsa Lesotho, Monghali Tente Tente o itse Morero o ikemiselitse ka hohle-hohle ho etsa meralo e ntlafatsang merero ea boipheliso molemong oa baahi bohle ba libakeng tseo ba ileng ba fallisoa ke Morero le sechaba se

boipheliso e hlalisoang ke mokete ona 'moho le ea boikopanyo molemong oa ho ithlahisetsa mesebetsi.

A tiisa hore mokete ona o etelletsoepele ke sechaba sa Ha Katse ka mokhatlo oa bona oa Katse Dam Action and Aid Community Forum, ha LHDA eona e tšehelitse ka bokhothokhotho ba chelete e hakanyetsoang ho M400,000.00 monongoa-ha.

Molula-Setulo oa komiti ea Katse Dam Action and Aid Community Forum, Monghali Selikane Rakuoane o boletse hore morero o moholo ka mokete ona ke ho hohela bahahlaoli kahare le kantle ho naha, ba tle Ha Katse ho tla lula le ho boha botle ba Naha ea Lesotho. A re bacha ba itahlele ka setotsoana moketeng oa mofuta ona ho bapatsa litalenta tsa bona. A supa hore nako e fihlile eo Basotho ba lokelang ho tšoarana

ileng sa angoa ke morero feela sona se sa fallisoa. A ipiletsa ho bacha ho sebelisa menyetta eohle ea

ka matsoho le LHDA e le hore e tle e tsebe ho ba thusa ho iqalla mekhoha ea boipheliso.

A hlalosa hore selemo le selemo mokete ona o bonahala o ena le matšoa a kholo ka lebaka la hobane sechaba se phelang Ha Katse se se ena le kutloisiso e phethahetseng ka litaba tsa bohahlaoli le bochaba. A leboha tšehetso e matla eo ba ntseng ba e fuoa ke LHDA, 'me a ipiletsa ho bahoebi le kampani tse ling tse kholo ho kenya letsoho le toma. Mokete o ile oa phetheloa ka Moqebelo ka boithabiso ba 'mino moo ho neng ho menngoe libini tsa mae-mo a holimo kantle le kahare ho naha, tse ileng tsa tsanyaola har'a lipula tsa litloebelile bosi kaofela.

